

Aln Kurfürsten zu  
Sachsen/vnd Land-  
grauen zu Hessen/D. Mart.  
Luther/von dem gefangenen  
S. zu Brunshwig.

Wittenberg.

Die Kunstschreier der  
Gemeinde von...

am 22. August 1872  
in der Gemeinde...



...

XVI. Qu. 11872

1951-D-5050

Señ Durchleuchtig

sten Durchleuchtigen Hochgebors  
nen Fürsten vnd Herrn / Herrn Johans  
Friderich / Herzogen zu Sachsen / Des  
heiligen Römischen Reichs Erzmarschall/  
vnd Kurfürsten / Landgrauen in Thür  
ringen / Marggrauen zu Meis  
sen / vnd Burggrauen  
zu Magdeburg.

Vnd Herrn Philips / Landgrauen zu  
Hessen / Grauen zu Carzen Elbogen / Zigen  
hayn / Dietz vnd Nida / Meinen gne  
digsten vnd gnedigen Herrn.

**G**ottes gnad vnd barm  
herzigkeit in Christo Jhesu  
vnserm HERREN vnd  
Heiland / vnd mein arm  
gebet / vnd vnterthenigen

dienst.

Gnedigster vñ gnedige Herrn / Ich bin  
offt vermanet vnd gebeten von vilen auch  
grossen Leuten / also das michs gleich sehr

A ij verwun

verwundert hat / Ich wolte vnd solte  
Ewer Kurfürst. vnd Fürst. Gnaden  
schreiben / vermanen vnd bitten / das sie  
den gefangenē H. zu Brunshwig / ja nicht  
widerumb los lassen wolten / weil Gott  
selbs sonderlich vnd wunderlich / seiner  
vnzelichen tyranney vnd wütereey ein mal  
gesteuret / Denn sie sich besorgen / wo er  
wider los solt werden / würde das lezt  
erger denn das erste / Sintemal kein hoff-  
nung da sey / das er sich solt bessern / So  
wenig als der Cardinal zu Mentz sich ge-  
bessert / sondern vngebüßt in seinen sünden  
gestorben / vnd ewiglich verdampt sein  
mus / ist anders der Christlich Glaube  
recht / Vñ ob gleich der H. zu Brunshwig  
sich stellen würde / als wolt er büßen vnd  
frömer werden / Hat er doch durch sein  
vorige vnerhörte tyranney / beide trawen  
vnd Glauben / bey fromen leuten verloren.  
Das man hinsurt jm nicht trawen wird  
noch kan / Sondern allein darumb viel-  
leicht busse vñ besserung fürwenden wür-  
de / das er widerumb zu ehren / Land vnd  
Leuten komen möchte / Welchs gewislich  
nur

nur falsche / fächfische busse sein würde/  
Wie die Schrift vns mit worten vnd  
Exempeln dergleichen viel leret.

Auff solche an mich gethane bitte / hab  
ich bey mir am ersten gedacht / Was es not  
thet solche schrift zu schreiben / Nach dem  
freilich / vnd on zweuel / E. K. vnd F. G.  
als die hochuerstendigen vnd durch viel  
erfarung wol gewitzigt / allerley gelegen-  
heit / sonderlich dieser sachen / besser wissen  
denn ich vnd meins gleichen / bey sich selbs  
auffs vleissigst bedencken würden / was  
für sahr / sorg vnd vnlusts / aus solcher des  
von Brunschwigs erledigung ersehen  
würde. Auch viel fromer hertzen sehr be-  
trübt / vnd dadurch jr gebet für E. K. vnd  
F. G. gegen Got mat vnd kalt würde. Den  
diesen Sieg der so gar leicht vnd plözlich /  
on grosse schlacht vñ blutvergissen komen /  
ist gewislich durch hertzlich gebet des glau-  
bens / von Got gegeben / der sie wie der 76  
Psalm singet / vom Himmel herab erschreckt  
hat / wie denn seine weise ist zu kriegen / mit  
Pharao / Sanherib / Benhadad / vnd auch  
mit worten zeiget Genit. 26. Ich wil euch

ein verzagt hertz geben / Ein rauschend  
blat sol sie erschrecken.

Aber dawider hat man mir fürgehal-  
ten/ob E. K. vnd F. G. solchs vñ viel mehr  
selbst wol wurden bedencken. So were  
dennoch ein trew vnterthenigs vermanen  
nicht zu verachten/ Angesehen / das E. K.  
vnd F. G. wie zu vermuten / gar mit statli-  
cher gewaltiger fürbit/berand/bestürmet/  
versucht/ vnd auff alle weis ersucht wer-  
den müssen. Denn die freundschaft ist  
gros/ als die das ganze Deuschland vnd  
viel mehr begreiff. Den Brunschwig der  
löblichen Fürsten heuser eines ist/ vnd noch  
heutiges tages viel seiner Christlicher löb-  
licher Fürsten hat / welchen nicht vbel an-  
sehen wil / auch nicht zu verdencken sein  
wollen/ ob sie für jren Freund trewlich vñ  
ernstlich bitten würden/ wiewol ers nicht  
verdienet noch werd ist / als der von dem  
löblichen herrlichen Stam/ zu mal ein vñ  
geraten/ storrig/ wildt / vngezogen zweig  
ist / sonderlich mit dem Dienst des Gözen  
zu Rom / darüber er in grosse lesterung  
Gottes vnd andere böse thaten gefallen/  
vnd

vnd dafür jzt seinen lohn anseheth zu krieg-  
gen. Darumb es wol not sey / **R. K.** vnd  
**S. G.** zu vermanen / vest vnd starck zu blei-  
ben / gegen solche starcke sturmwinde / die  
grossen vnd mechtigen schein der billigkeit  
haben. Vnd bereit an gros bitten von et-  
lichen seinen verwandten für in geschicht /  
auch gegen Gott / das er seine sünde erkens-  
ne / vnd wider zu Landen vnd Leuten ko-  
men möchte. Aber ich sorge / sie beten nicht  
recht / Davon jzt nicht zeit zu reden.

Wir sind / Gott lob / auch nicht steines-  
rens hertzens oder eiserns gemüts. Ich  
gönne niemands böses / Sonderlich sol ja  
kein Christ einem andern den zorn Gottes  
wünschen / auch den Türcken vnd Jüden /  
vnd keinem feinde nicht. Ja auch den Car-  
dinalen vnd dem Papst nicht. Gottes zorn  
sol auch kein Teufel dem andern fluchen /  
**Es** ist zu viel / ewiger zorn / Dawider jeder  
man für jderman ernstlich bitten sol / vnd  
ist schuldig also zu bitten. Gerne hette ich  
den Cardinal zu Mentz selig gesehen / A-  
ber da war kein hören / vñ ist also dahin ge-  
fahren. Gott behüte alle Menschen für sol-  
cher fart Amen. Gleich

Gleichwol müssen wir also lieben vnser  
feinde/ also vergeben/ also gnedig sein/ das  
die liebe vnd gnade nicht falsch sey / oder  
wir vns nicht mit frembder sünde belas  
den/ darüber wir sampt dem so wir lieben  
zum Teufel faren. Ich wolte der gefangen  
von Brunshwig möchte König zu Franck  
reich / sein Son König zu Engeland sein/  
was solte mir solchs schade oder hindern?  
Aber das ich solt raten / in los zu geben/  
das kan ich nicht thun / Er hat das ver  
trawen verloren. Weil nu Gott in hat in  
seine straffe genomen / Wer wil so kün  
ein / vnd in heraus nemen? ehe denn da  
rechtshaffene busse vnd warhafftige bes  
serung geschehe / vnd das vertrauen ge  
pflantzet vnd wol erkand werde/ das Got  
versonet sey. Sonst würde es heissen / Got  
versuchen / Das ist nicht zu raten / Er ist  
von vielen jaren her in steter böser vbung  
verderbt/ damit den guten namen vnd das  
vertrauen verloren. Darumb nicht vnbil  
lich sich besorgen frome leute/ vnd im nicht  
trawen können noch Got versuchē wollen.  
Vnd hie ist wol zu mercken/ die geschicht  
zwischen



zwischen Ahab dem König Israel / vnd  
Benhadad dem Könige zu Syrien / Da  
von man liest im ersten Buch von den Kö  
nigen / cap. 20. Das Gott den König Ben  
hadad gab in des Königs Ahabs hand mit  
einer grossen schlacht. Sie wolt nu Ahab  
auch gerühmet sein / ehr vnd preis bey den  
Syern verdienen / als ein gnediger Kö  
nig in Israel. Vnd sprach / Lebt er noch / so  
sol er mein bruder sein / vnd setzt in zu sich  
auff den wagen / macht einen bund mit im /  
vnd lies in los wider in sein Königreich /  
Da kam ein Prophet / der sprach zu Ahab /  
Darumb das du den Man / von mir ver  
bannet / hast von dir gelassen / so sol deine  
seele für seine seele sein / vnd dein volck für  
sein volck sein. Vnd es geschach also / wie  
im 22. folget.

Diesen König Benhadad hette Gott vn  
ter denen 100000. die dazumal geschlagen  
wurden / auch können wol finden vnd et  
wa mit einem pfeil lassen treffen oder selbs  
mit schrecken / tödten / wie er reichlich vnd  
sehr wol verdienet hatte / Den er hatte den  
Gott Israel zu vor gewolich verachtet vnd  
gelestert /

gelestert / Wolte auch Samaria zu grund  
vertilgen / also das er rhümet / Es solte zu  
Samaria nicht so viel erden sein / das seins  
volcks ein jglicher möchte eine hand voll  
dauon tragen. Aber Gott wolte den K&E  
nig Ahab versuchen / was er thun wolte /  
ymb Gottes vnd seines Göttlichen Na-  
mens ehre willē. Darumb gab er jm in die  
hende / den ergsten Feind Benhadad / der  
nicht allein das volck Israel / sondern auch  
iren Gott rein auffressen wolt.

Also hette jzt vnser **HEXX** Gott auch  
wol kund / den von Brunschwig lassen tref-  
fen etwa mit einem geloet oder spies / wie  
er doch mit schrecken vnd verzagen ist ge-  
troffen / ehe es ist zur schlacht komen / Denn  
ers auch wol verdienet hat bis daher mit  
lestern vnd schenden / beide Gott vnd men-  
schen / ist dazu ergriffen jzt in diesem zug /  
im werck seiner hende / wie Psalm. 10. sagt /  
Der gottlose ist ergriffen im werck seiner  
hende. Den er willens gewest / als ein Com-  
missarius der alten Religion / vnd trewer  
Diener (wie sein Titel lautet) der Bepflich-  
ten heiligkeit / einen weidlichen Benha-  
dad

Das wider vns armen Israeliten vnd vn-  
würdigen Christen ( Kezer solt ich auff  
Römisch sagen) sich zu erzeigen / das nicht  
ein hand voll erden vberblieben were.

Aber Gott hat sich vnser angenommen vñ  
erbarmet / solchen zornigen / wütendē Ben-  
hadad in vnser hende gegeben / Damit vns  
versucht / was wir thun wöllen für seines  
heiligen Namens ehre / wider seine lesterer  
vnd verechter. Sie ist nu wol zu fürchten  
vnd sich fürzusehen / das vns Got nicht las-  
se des Königs Ahabs Exempel widerfa-  
ren / welchem hernach vber drey jar ein  
pfeil durch sein hertz gehen muste / eben von  
desselben Königs volck / welchen er hatte  
wider Gott / aus vnzeitiger gnaden los ge-  
lassen / wie im der Prophet zuvor gesaget  
hatte / Darumb / das du hast den Man von  
mir verbannet / lassen gehen / sol deine seele  
für seine seele / vnd dein volck für sein volck  
sein. Vnd ist ja ein jemerlich ding auff er-  
den / das oft ein fromer Mensch mus ver-  
derben / nicht vmb seiner eigen sünde wil-  
len / sondern vmb frembder sünde willen /  
der er sich teilhafftig macht / aus grosser ge-

Dult vnd gunst/ vnd alzu milder barmherzigkeit/wie dem fromen König Josaphat schier auch geschehen were/ eben vber diesem König Ahab/ 7. Reg. 22. Es darff wol betens vnd vleis habens/ das vns Gott behüte vnd regiere/ sonst ist bald versehen. Gott behüte E. K. vnd F. G. für dem pfeil Ahabs/ dafür mir gravet/ Denn Gott hat vns dis mal aus grosser sorg vnd fahr erlöset/ nicht on sonderlich wunderwerck/ auch frid vnd sicherheit verschafft für diesem Benhadad. Ist vns zu wol/ vñ können seine gnad nicht erkennen/ noch jm dafür dancken/ so mügen wir den Benhadad losgeben / so kan Gott wol vnruhe vnd sorgung durch jm widerumb schaffen / vnser vndanckbarkeit zu bezalen.

Auch ist hiebey das gar wol zu bedenckē/ das Gott dis mal nicht allein die Person des H. von Brunswig/ sondern den Papst vnd den ganzen Körper des Papstums (welchs fürnemlich Glied/ vnd Heerführer sich derselb von Brunschwig allzeit willig erbotten / vnd sich auch selbs dazu genötiget / vnd für andern der ausbund hat sein wollen)

wollen) gemeinet/getroffen vnd geschreckt  
hat. Wir wissen ja wol / solten ja auch ge-  
nugsam erfahren haben / wie viel geschwin-  
der Kencf vnd Practiken / heimliche tücke  
vnd stücke / so offtmals wider vns ist für-  
genomē/sind dem Reichstag zu Wormbs/  
da das erste Edict wider das heilig Euan-  
gelium ausgieng / Anno 1521. welches der  
Papist vn̄ sein Cörper auch noch nicht wil  
abgethan oder suspendiert sein lassen / obs  
der Keiser gleich gerne hette zu Speir su-  
spendirt. Item / wie sie hernach auff dem  
Reichstag zu Augspurg / Anno 1530. zusa-  
men wolten setzen Gut vnd Blut / wider  
vns / wie sie brulleten / Vnd jmer hernach  
Bund vber Bund gemacht/nichts vnner-  
sucht gelassen / damit sie vns zu grund ver-  
tilgen möchten / wo Gott nicht gewehret  
vnd alle zeit die schantz gebrochen hette.  
Vnd weil sie den Keiser nicht kondten erre-  
gen/suren sie zu / vn̄ schreiben einander zu/  
sie müsten mit dem Keiser / wie mit einem  
todten Falcken bayzen. Solche Schrifft  
sind jenes mal zu Wolffenbütel funden / vn̄  
offentlich im Druck ausgegangen. Jzt sibets

eben also / als hetten sie den Keiser für ei-  
nen todten Falcken auffgeworffen / weil  
sich der von Brunschwig in seinem titel sol  
lassen vernemen vñ schreiben / Keiserlicher  
Ma. vñ des Aurnbergischen Bunds / vnd  
der alten Religion oberster Hauptman.

Denselben Bund nennen sie / Defensi-  
num / gerade als weren sie in grosser fahr /  
das man sie wolte angreifen / So doch we-  
der Keiser / Bapst noch jemand fürhanden  
war / der in gedecht ein har zu krümmen.  
Vnd wir dieses teils on vnterlas gebeten /  
geslehet / geruffen vñ geschrien vmb fried /  
wie sie sehr wol wissen / welchen wir von  
jnen nie kein mal haben genzlich vnd end-  
lich erlangen können / Nichts anders von  
jnen haben teglich gewarten müssen / denn  
eitel Offension / angriff vñ verderben / Wo  
es die zeit jnen geben wolte / vnd raum da-  
zu kündten haben. Denn nicht sie / sondern /  
wir sind durch Bepst. vnd Kei. des Reichs  
edicten bis daher verdampft gewesen. Noch  
haben wir armen Ketzer / vnd der newen  
Religion albere menschen nicht müssen ver-  
stehen / was die klugen Lerer der alten Res-  
ligion

ligion / durch den Defension Bund meiner  
ten / Nemlich / nicht den Christlichen Glauben /  
sondern die Land des Kurfürsten vñ  
Landgrauen. Auch müste Got selbs sampt  
allen Engeln mit gewalt den schnuppen  
haben / vnd solchen braten nicht riechen /  
Was da hiesse Defension bund / bis jzt an  
21. tag Octobris / da hatte er zuvor Nises  
wurzeln genomen / vnd das Hirn gereinigt /  
vnd lies sich groblich mercken / der schnup  
pe were jm vergangen / vnd verstände wol  
was Defension bund hiesse.

Item / dis jar ist ein geprege / wie schaw  
grosschen aus dem Niderland herauff ko  
men / welchs der Papisten treffliche kunst  
beweiset / auch der zweien Herrn / Kurfür  
sten vnd Landgrauen / sampt vns allen  
grewlich drewen. Auff der einen seiten ste  
hen zwo seulen / auff einer des Keisers kro  
ne / auff der andern des Königs krone / zwi  
schen den seulen ein lediger stock oder fess  
sel / mit zwo keten / für zwo personen ge  
macht / Acht wol / solch beschissen Prophet  
wil den Kurfürsten vñ Landgrauen drein  
setzen. Die vmbchrift heisst / ad alligandos  
reges

reges eorum in compedib. Auff der andern  
seiten stehet ein zweyköpffiger Adeler/ der  
hat in seinen klawen die zwey schwert vber  
schrenckt/ wie sie im Kurfürstlichen wapen  
stehen/ Die spitzen stechen eine Jungfraw  
so drunter auff der seiten ligt/ zu tod / vnd  
regent eitel fewr auff sie / Die Jungfraw  
aber heisst/ Infidelitas, Die vmbschrifft/ Ad  
faciendam uindictam in nationib. Damit sie  
anzeigen/ was sie heimlich vber vns gespie  
let haben/ vnd wie sie den Defension bund  
hätten verstanden vnd verkleren wollen/  
wenn sie solch gemelt ins werck hätten  
bracht/ Vnangesehen/ das solchs durch ein  
Keiserl. vñ Penal Mandat verboten war.  
Aber sie sind die lieben kinder/ die nicht sün  
digen können / ob sie gleich Gott vnd Kei  
ser mit füßen trettē/ Wir sind sündler/ wen  
wir gleich vmb Gott vnd Keiser wollen  
leib vnd leben wagen.

Auch wie gern hätten sie gewehret/ das  
vns kein Fusuolck were zugezogen/ Da sie  
(darunter etliche Epte waren) iren vnters  
thanen verboten sich anzunemen lassen.  
Vnd weil sie wol gedachten / die Knechte  
würden



würden sich nicht dran jeren / ob man sie  
wolte abschrecken / mit des Papssts namen.  
Darumb ertichten sie diese lügen auff die  
vnsern / als solts wider den Keiser gelten.  
Die rasende blutdürstigen Verräter vnd  
Bluthunde / haben gehofft vns also zu v  
bereilen / das wir gar blos / on wehre / leu  
te vnd hülffe solten vntergehen / ehe wir  
vns umbsehen kündten. Aber wem sie den  
Stock vñ Fessel gemalet haben / sehen wir  
nu / Gott lob / der nach dem spruch Psal. 7.  
gerichtet hat. Sie haben eine gruben gegr  
aben / vnd sind selbs drein gefallen / Ire bos  
heit ist auff jren kopff komen / vnd jr streuel  
auff jren scheddel gefallen. Des dancken  
wir dem allmechtigen vnd gerechten Got /  
vnd loben den Namen des **HERREN** des  
Allerhöhesten / Amen.

Item / da nu der Hertzog zu Brunshwig  
meuchlings / plözlich vñ vnuersehens war  
angezogen / vnd kein Feindes briue ausge  
schickt / vñ zu Felde daher fuhr / Hilff Gott  
welch eine freude / trozen / pochen / rhü  
men / jauchzen / triumphiren war dar an  
allen orten. Nu / Nu / Nu ifts geschehen /  
Da / Da / Da haben sie es / Vnd war den

**E** noch

Noch ein trefflich bitten / vnd auch öffent-  
lich in Kirchen / vnd auff der Canzeln / mit  
namen für den Hertzogen zu Brunshwig /  
das im Got wolt glück vnd sieg geben / das  
mit die Ketzerey ausgerottet vnd vertilgt  
würde. Das war ( als sie hofften ) das  
ständlin / nach dem sie sich vber 24. jar zu-  
sehnet vnd zu krunckt haben. Sie wolten  
sie den Brey ein mal aufrichten / Daran sie  
so viel jar / so engstlich gekocht hatten. So  
feret Gott auch plözlich zu / vnd schmeißt  
in den Breytopff / das beide scherben vnd  
Brey inen vnter die nasen sprützen / das sie  
verzagt / den kopff hengen / vnd nach der  
Morderfarb verblaffen müssen. Ja so wol-  
ten sie es haben / Denn sie nu ( wie gesagt )  
wol 24. jar inerdar sich getröstet / so offft  
der Keiser sich geregt / oder komen hat sol-  
len / oder ein Reichstag angesetzt ist / So  
offft sind sie auffse new schwanger worden  
( wie Psal. 7. sagt ) vñ doch einen Feil gebo-  
ren / Hören auch nicht auff / vñ können nicht  
auffhören / bis an den Jüngsten tag / da sie  
mit irem Abgott zu Rom / jr endlich vrtail  
kriegen werden.

Das sage ich darumb / Das wir wissen  
vnd

vnd wissen sollen/Es sey nicht vmb des zu  
Brunschwigs person / vnd seine personlis  
che weltliche sachen zu thun/ sondern vmb  
den ganzen Behemoth vnd Cörper des  
Bapstums / der sich an in gehenget / vnd  
er widerumb an sie/ Vnd haben vnter dem  
schein seiner sachen sich zusamen geslickt vñ  
gerottet/wider vnser Euangelium/das ist  
wider Gott vnd seines Geistes sachen/  
Were es jm geraten / so were es jnen alle  
geraten. O kluge leute / O weise leute / O  
treffliche leute/ Da ein jglicher würdig we  
re Papst zu sein / wenn man künde mehr  
denn einen Papst haben. Wie vermöchte  
doch der Papst selbst/vnsern H I E R X X V  
Christum/ so subtil teuschen vnd effen/ als  
diese Leute vnter jres Commissarien pers  
son gethan haben? Ob er gleich der aller  
heiligst / klüggest vnd weifest Man ist auff  
erden? Vergebe mirs Got/das ich so grob  
vnuernunfftig rede von dem Papst / Ich  
hette schier alzu weislich vnd Kezerisch  
geredt vnd gesagt/Psu dich Papst I sel.

Diese gemeinschaft des Bapsts / daru  
ber in Gott ergriffen vnd gefangen hat/  
als seinen Feind / vnd des Bapsts Diener/

wirds nicht leiden / das man in so leicht  
künde los geben. Es ist die Gottes lestes-  
rung zu viel vnd gros im Bapstumb / wels-  
cher wir vns nicht müssen theilhafftig ma-  
chen / Es kome denn zuuor gar viel zu an-  
dern reden / weder wir noch jzt hören. Da-  
mit vnser gewissen nicht beschweret mit  
frembden sünden / vnd auch dem Abab-  
gleich für Gott gerechent werden. Denn  
wo er solt los werden / so wird es gewiss-  
lich geschehen / das die Papisten werden  
auffs new vnsern Gott lestern / vnd sich  
selbs rhümen / Sihe da / ob vns nicht Gott  
hab erhöret. Wir haben gebeten für Her-  
zog Henrich zu Brunschwig / aber Gott  
hat vns mit gedult bewert / vnd gleichwol  
erhört. Denn ob er wol Herzog Henrich  
hat in der Ketzer hende gegeben / vns zeit-  
lich zu straffen / dennoch haben sie in nicht  
können behalten / Sondern Gott hat sie ge-  
zwungen / das sie in haben müssen los las-  
sen / O danck hab vnser lieber Got / der sei-  
ne Kirch / vnd die alte Religion nicht ver-  
lassen hat / vñ den Ketzer nichts guts wil  
sein lassen.

Vnd ist war / dis Argument bewegt  
mich

mich am höchsten/ Denn wir wissen / das  
der Papst vnd seine Schupen nicht zu be-  
keren sind. Darumb könnē sie nicht anders  
thun/denn sich selbs trösten/ schmücken vñ  
putzen/ auch in irem grössesten vnfall vnd  
ergesten sünden. Sie müssen jmer recht ha-  
ben / Gott mus jmer vnrecht haben/ Wel-  
ches wir (als ich achte) solten ja wol erfaz-  
ren haben/ in diesen 24.jaren. Solten wir  
nu hiezu vrsach geben/ das der Papst vnd  
Papisten / solche lesterung wider vnsern  
HERRN Christum / solten öffentlich in  
Kirchen vnd daheim in heusern speien/da-  
zu sich in irer abgötterey/lesterung/irthumb  
stercken/ vñ sich rhümen/ sie hettens durch  
ire heiligkeit/ als die rechten Christen/von  
Gott bekommen/Da were es besser/es were  
nie kein Papst geboren / Ja er auch kein  
Fürst zu Brunschwig je gewesen. Denn sol-  
che lesterung ist zu gros / vnd solche ver-  
stockung zu hart/die wir doch auff vns ne-  
men müssen / vnd hernach den Kewel alzu  
schweer/ auch villeicht vmb sonst sein wür-  
de.

Sie haben eine Prophecey / die ich vor  
40.jaren gehört/ auch in Büchern/ als der

C. iij. tollē.

tollen Brigitten/Arnold Lichtenberg/vnd  
andern mehr geschrieben / Darin sie jr ab-  
gott der Teufel tröstet/Es werde ein ver-  
folgung vber die Clerijey gehen/aber dar-  
nach herrlicher werden/weder sie je gewesen  
ist. Solcher Prophecey glauben sie/wie sie  
denn nicht anders werd sind/ weil sie Got-  
tes wort vnd heilige Schrifft verfolgen.  
Daher hoffen sie jmerfort so engstlich/sol-  
che zeit sol kómen / das sie herrlicher wer-  
den / weder sie je gewesen sind / Verstehen  
des Teufels spott nicht/der jr schendlichs/  
lesterlichs vnd vnbusfertigs leren vnd le-  
ben/mit solchem falschen trost stercket vnd  
verstockt. Denn jr lere zu lassen/vnd leben  
zu bessern/ist jnen kein ernst noch willê/der  
Teufel wils auch nicht. Aber der straffe  
wollen sie sicher sein / Das wil auch der  
Teufel/der doch weis / das nicht sein kan/  
vnd sie also nerret in jrem schendlichen le-  
ben/ Vnd lesst/ ja heisst sie jmerhin schend-  
lich leben / vnd doch hoffen herrlicher zu  
werden/weder sie gewesen sind. Das ist/  
so wir jzt auch sehen / Wie sie auff jren  
Commissarien der alten Religion/ so gros  
hoffnung gesetzt/vnd für in gebetet haben.  
Noch

Noch wöllen sie sich nicht vmb ein hartz  
bessern / ob sie wol Gottes Wunder greiffen  
/ der sie jzt sampt jrer hoffnung / Propheceien  
vnd beten in dreck getretten hat /  
das sie dis mal jr lesterlich rhümen lassen  
müssen. Vnd wo sie hinfort nicht anders  
thun werden / wird er in wol bas komen.

Damit sie aber nicht vns schuld geben  
mögen / wir seien vnbarhertzig vnd nicht  
mitleidig / wie das Euangelium leret / des  
wir vns doch rhümen. Wiewol sie auch  
bisher gegen vns kein ander barhertzig-  
keit geübet / vnd jmerfort vben wöllen / den  
wie Cain an seinem bruder Abel / vnd Cai-  
phas an vnserm HERRN Christo geübt  
haben / wollen gleichwol Christen / vnd die  
heilige Christliche Kirche sein. So sage  
ich / Erstlich von der weltlichen oder leib-  
lichen barhertzigkeit / Das vnserc Für-  
sten vnd Herrn eine grosse vnd zwifeltige  
barhertzigkeit vben am Herzogen zu  
Brunschwig / das sie in gefangen haben /  
vnd nicht los geben. Eine ist diese / Das sie  
in damit steuren vnd wehren / seine tyrann-  
ney / Gottes lesterung vnd böse thaten / das  
er mus auffhören vnd abelassen / Solchs  
ist jnz

ist jm selber gesund vnd gut. Die ander ist/  
Das sie damit frome vnd vnschuldige leu-  
te retten vnd schützen/das sie fried vnd ge-  
mach für jm haben / sicher wonen vnd sich  
neeren können/ auch Gottes wort lernen.  
Diese zwo barmherzigkeit preisen Sanct  
Paulus Rom. 13. vnd 1. Pet. 2. am weltlich-  
en Regiment / vnd nennens daher einen  
Gottesdienst/ vñ auch so ist/ wo es geführt  
wird nach seinem recht vnd art. Tyrannen  
aber machen einen Teufelsdienst daraus/  
wie der Hertzog zu Brunschwig gethan.  
Denn es sol heißen / zur rache vber die bö-  
sen (spricht S. Petrus) vnd zu lobe den fro-  
men. Sanct Paulus spricht / Oberkeit ist  
Gottes dienerin/ dir zu gut/ eine Racherin  
vber denen der böses thut zc.

Zum andern/von der geistlichen barm-  
herzigkeit zu reden. Hie wil ich jm einen  
trewen köstlichen rath aus der Schrift  
geben / nemlich / Das er sich mit ganzem  
ernst demütige für Gott/vnd rechtschaffes-  
ne Bus thu/ Neme zu sich leute/die in leren  
wie man recht büßen sol. Den er mus war-  
lich das blutgeschrey vnd zetergeschrey/  
damit er Himel vnd Erden erfüllet / vnd  
vber



vber seinen kopff erwecket hat / zuuor wi-  
der stillen / mit tieffem seuffzen vnd heissen  
threnen. Vnd sich williglich in den stich ge-  
ben / mit solchen oder dergleichen worten /  
wie in dem Gebett des Königs Manasse  
stehen. Den seiner sünden sind viel am tag /  
durch den Druck ausgebreit / auch für dem  
Keiser zu Regensburg fürgetragen / wie  
er mit Goslar / Doctor Embeck / Mord-  
brand zc. hat handeln lassen / Solchen Ca-  
lender er am besten weis / Vnd Gotte be-  
kennen vnd sagen mus / das er viel vnd wol  
die Helle verdienet / Viel auff dem Rade  
ligen / die seiner teglichen sünde kaum zwo  
gethan. Den für Got gilt nicht das mensch-  
lich Recht / de illustra persona, Er acht den  
geringen eben so hoch als den grossen / vnd  
widerumb zc. Hie ist kein ansehen noch vn-  
terscheid der personen.

Das er nu gefangen / vñ aus seinem Für-  
stenthumb gestossen / sol er nicht deuten /  
das es sey die rechte staupe / so er verdie-  
net / sondern ein Fuchschwenzlin / damit  
er seuberlich vnd gnediglich vermanet ist  
zur busse / vnd sol also sagen / Lieber Gott /  
weil ichs wol erger verdient / vnd du doch

D mit

mit solchem kleinen gnedigen Keislin mich  
hast gesteuert / So wil ich diese straffe gern  
tragen mein leben lang / vnd mich des Für-  
stenthumbs verzeihen vnd faren lassen /  
welchs ich mit allem Recht / ja mit grosser  
gnaden von dir entsetzt bin / vnd habs bil-  
lich verloren. Ich taug nicht dazu / wie ichs  
nu wol sehe. Gott du bist gerecht / du hast  
mir recht vnd viel zu wenig gethan. Denn  
(wie gesagt) mit Gott mus man aus rech-  
tem grund des hertzen handeln / vnd vns-  
im gehorsamlich ergeben in seine straffe.  
Wo wir nicht so thun / so merckt ers / als  
ein Hertzkindigen / dem nichts verborgen  
ist / vnd auch niemand in teuschen noch be-  
triegen kan. Vnd wer sichs vnterstehet / der  
macht seine sache gar böse / wenn sie gleich  
halb gut were / wie wir Christen solchs al-  
les wol wissen / oder ja wissen solten.

Darnach müste er auch sich demütigen /  
gegen alle die er beleidigt hat / vnd bitten  
vmb vergebung / vnd sich mit jnen versö-  
nen / Der sind fast viel / wie offentlich leider  
bewust. Denn Christus vnser **JE** **XX**  
wil sein Wort vmb niemands willen wi-  
derruffen. Da er spricht / **Matth. 5.** Wenn  
du

du deine Gabe zum Altar bringest / vnd  
wirfst alda ingedenck / das dein bruder et  
was wider dich habe / so las alda für dem  
Altar dein gabe / vnd gehe zuvor hin / vnd  
versöhne dich mit deinem bruder. Vnd sol  
ches thut gewislich ein recht rewig hertz/  
das mit ernst busse thut. Wer es aber nicht  
thut / der hat nicht rechte rewe noch busse/  
Darff auch nicht hoffen / das Gott sein ge  
bet höre / oder jm gnedig sein müge.

Wo nu der H. zu Brunschwig diesem  
rath folget / vnd also thut nach Gottes  
wort / so wird jm Gott gewislich gnedig  
sein / vnd so er zur Hellen gefaren were / mü  
ste er doch wider herauff. Vnd solt wol  
geschehen / das man jm holen / vnd mit allen  
ehren zwingen müste / wider in sein Für  
stenthumb / das selbs wider anzunemen.  
Des sihe das Exempel Davids an / 2. Reg.  
am 15. Da er durch seinen son Absalom /  
des Reichs veriagt vnd entsetzt war / vnd  
ins elend fliehen müste / zu fusse weinend  
vnd verhüllet / sprach er zu den Priestern /  
die jm mit der Lade des Bunds nachfolge  
ten / Keret vmb in die Stad mit der La  
den / Wil mich Gott zum Könige haben / so

D ij wird

wird er mich wol wider holen/ das ich sie  
sehe vnd seinen Tempel. Spricht er also/  
Ich hab nicht lust zu dir/ Siehe/ hie bin ich/  
Er mache es mit mir/ wie es jm gefellet. O  
welch ein hertz ist das gewest/ wie tieff de-  
mütiget sichs / gibt sich in den stich / vnd  
nimpt Gottes straff mit willigem gehor-  
sam an. Damit brach er auch Gotte sein  
hertz/ erweicht/ vnd gewan in also gewal-  
tig / das Absalom musste bald hernach er-  
stochen sein. Abitophel sein oberster Rath  
sich selbs erhengen/ Vnd das ganz Reich  
Israel/ das wider in gestritten hatte/ vnd  
Juda von jm gefallen / wolten sich zurei-  
ssen vmb den David / vnd holeten in mit  
grossen ehren wider.

Also kam der König Manasse auch wi-  
der von Babylon heim gen Jerusalem / da  
er bussethet / sich sehr demütigt/ vnd selbs  
verdampfte. Item/ der verloren son im E-  
uangelio / Luce 15. wolte nicht mehr Son  
heissen noch sein/ vbergab sein Erbe gantz-  
lich/ vnd sprach/ Vater/ mache mich wie ei-  
nen deiner Tagelöner zc. Damit gewan er  
des Vaters hertz / das er jr auch mit freu-  
den wider annam/ wie daselbs zu lesen ist.

Denm

Denn wir Christen wissen vnd haben einen solchen Gott / der nicht wil vnd nicht kan den hochmut leiden. Wie S. Petrus spricht / Gott widerstehet den hoffertigen. Vnd Christus selbs / Wer sich erhöhet / mus genidrigt werden. Vnd so singet seine liebe Mutter / Er stößet die gewaltigen von dem Stul zc. Das ist seine natur / vnd thut nicht anders. Widerumb kan er auch nicht leiden noch verlassen die Demut / Er hebt die Nidrigen empor. Vnd wer sich nidriget / sol erhöhet werden. Des ist die Schrift mit Exempeln vnd Worten voll vnd vber voll. Wer wolte solchen Gott nicht wünschē vnd lieb haben? Aber außser der Christenheit oder Gottes volck leret man nicht / vñ weis nicht von solchem Gott / als die Jüden / Türcken / Papsst / Cardinal / Darumb wissen sie auch nicht von rechter Busse vnd demut.

Kumpt der H. zu Brunschwig diesen rath an / vnd folget genantem Exempel / vñ ergibt sich mit David in Gottes gehorsam / vnd leßt in machen / So wird man sehen / das in Got wird ehren / Obs hie nicht geschehe / so wird es dort geschehen viel

D iij herr:

herrlicher. Geschichts nicht / so ist's gewis /  
das da keine rechte Kew / auch kein vertrau  
wen zu Gott ist. Wie können aber wir in  
denn vertrauen / vnd los geben / der Gott  
nicht vertrauet noch büffet. Vnd wie wil  
er seine Seele ewiglich Gott vertrauen /  
Der nicht sein zeitlich Fürstenthumb vnd  
sein vergenglich leben im vertrauen wil.  
Darumb hoffe ich / dieser mein Rath / ja  
viel mehr des heiligen Geistes rath in sei  
ner heiligen Schrifft / solt vns zeugnis ge  
nugsam geben / das wir nicht vnbarmer  
zig / oder steinern gemüts sind / gegen eini  
gem menschen / auch vnsern Feinden / wie  
sie die Papisten wider vns on allerursachen  
sind / wie der H. von Brunschwig auch ge  
west. Sondern gern wolten / das jeder  
man selig würde / auch hie zeitlich in Friede  
vnd ruge leben möchten. Aber also barm  
herzig zu sein / das wir vns mit frembden  
vnbusfertigen sünden solten beschweren  
vñ theilhaftig machen / das ist nicht mensch  
lich / schweige denn Christlich. Denn damit  
würde ich durch meine barmherzigkeit ge  
gen dem Menschen / Gottes barmherzig  
keit gegen mich verlieren / Das thuts nicht.

Hilff

Hilff dir zuvor selber mit rew vñ trew gegen  
Got vmb deine sünd/ so soltu barmher-  
zigkeit volauff finden/oder denck vñ trage  
deine sünd alleine / vñ las mich damit vnbe-  
schweret / vnd mach keinen Ahab aus mir.

Solchs hab ich gnedigster vnd gnedi-  
ger Herrn wöllen an **E. R. vñ f. G.** schrei-  
ben/damit ich den guten leuten/ so von mir  
solchs begert haben/ zu dienen vnd zu wil-  
faren / geneiget vnd bereit erfunden wür-  
de/wie ich mich schuldig erkenne. Ober das  
so ich bey mir gedacht / **E. R. vnd f. G.**  
würden von sich selbs / beide dis vnd an-  
ders mehr/wol bedenckē/das es nicht so zu-  
eilen sein wil/ mit dem loslassen des gefan-  
genen Herzogen zu Brunschwig / als vil-  
leicht die starcken fürbitte gerne wolten/  
Die gedancken der hertzen sind noch nicht  
offenbart / vnd Gott hat noch nicht seine  
ehre/die jm in diesem werck gebürt. Man  
weis wol / das **H. Heinrich** den zug nicht  
vermochte / Manweis wol / das aus  
Welschlanden treffliche rüstung inn das  
Deuschland geschickt vnd verordnet ge-  
west. Wirds laut / das der Papsst / oder  
wer es gethan/kan man darauff sich berat  
schlagen.

schlagen / vnd in die sache sich weiter schicken.

Summa/wir wissen alle/das der Papst vnd die Papisten wollen vns alle tod haben/an leib vnd Seele. Widerumb / wir wollen sie alle mit vns an leib vnd seele selig haben. Welch teil für Gott gerecht sein werde/ist leichtlich zu vrteilen. Wir haben ein gut gewissen für Gott/vnd wens möglich were/ das sie vns alle köndten tödten/wie sie als die tollen Narren hefftig begeren/So haben wir doch den trost vñ trotz zuvor/das wir / vmb Gottes vnd seines worts willen gemartert weren. O H E R  
R E Gott / wie selig vnd hoch ehre hetten wir damit erlebt / Denn wir on das schuldig sind / dem Blut vnsers H E R R N Christi/ auch vnser blut darzu strecken. Aber sie / der Papst vnd seine Papisten hetten damit ire Sache (wie sie doch hoffen) nichts besser/sondern viel erger gemacht.

Denn vnser Got heisst/ Schöpffer Himmels vnd Erden / das ist / der alles aus nicht / vñ alles wider zu nicht machen kan/ Wie wir für augen teglich seine Werck sehen/wen wir augen hetten. Darumb/wen  
der



der Papst vnd seine Schupen gleich vns  
alle hetten dis mal durch jren Commissa-  
rium auffgereumet / so were doch Gott der  
Schöpffer / gewislich Got der Schöpffer  
blieben / vnd hette widerumb nach art vnd  
weise / seiner allmechtigen gewalt / wider-  
umb einen newen Luther / oder andere ne-  
we Ketzer (wie sie vns nennen) aus lauter  
nichts machen können / Die dem Papstum  
viel anders würden zusprechen. Denn da  
der Teufel die welt mit blindheit besessen /  
vnd wider Gott den Triumph hatte / fast  
alle Gottes kinder vnterdrückt / Wecket  
Gott den Nocha auff / das er müste die gan-  
ze Welt erseuffen. Vnd zur zeit Abraham /  
da auch alle Welt finster war in des Teu-  
fels reich / muste Abraham ein Liecht wer-  
den mit seinem samen / den König Pharao  
erseuffen / vnd sieben grosse Völcker in Eo-  
naan erwürgen.

Item / da Caiphas Gottes Son Chris-  
stum gecreuziget hatte / da hatte ers ge-  
macht wie er wolte / vnd der Teufel meinte  
er hette nu das rechte Liecht ausgelesscht.  
Ja wol ausgelesscht / Da steht er auff von  
den todten / sendet den heiligen Geist / vnd  
zünde

zündet ein solch Liecht an / das die ganze  
Welt voll Liecht ward / von Morgen bis  
gen Abend. Vnd da der Teufel gedachte  
der schöne Gott zu bleiben / ward er offens-  
bart ein heilicher teufel / Caiphaz mit dem  
Judenthumb verstorret vnd zu nicht ist  
worden. Höret auff jr tollennarren / Papst  
vnd Papisten / blaset nicht in solch Fewr /  
das Gott angezündet hat / jr werdetz wi-  
der euch selbs auffblasen / das euch aschen  
vnd funcken werden in die augen stieben.  
Ja Gottes ist solch Fewr / der sich ein vera-  
zerend Fewr nennet. Ir wisset / seid auch  
in ewrem gewissen vberzeuget vnd vber-  
wunden / das jr böse vnd verlornen sachen  
habt / vnd streitet wider Gott / das wird  
euch nicht wol gelingen / wie jr offft vnd jzt  
an ewrem Commissarien gewirziget vnd ge-  
warnet seid.

Am letzten mus ich auch mit vns selber  
reden / auff das wir vns nicht rühmē oder  
erheben / als hetten wir solchen sieg durch  
vnser macht oder würdigkeit erlanget / vnd  
damit vns selbs ehren / vnd Gott vndanck-  
bar werden / Gleich wie Mose sein Volck  
auch leret / im 5. Buch ca. 9. So wisse nu /  
das

Das der **HERR** dein Gott/dir nicht vmb  
deiner gerechtigkeit willen dis gute Land  
gibt einzunemen/Sintemal du ein halstar-  
rig böse volck bist. Vnd Psalm. 33. Einem  
Könige hilfft nicht seine grosse macht/ro-  
se helffen auch nicht / vnd jr grosse menge  
errettet auch nicht. Also singet auch Psal.  
144. Gott ist's/der den Königen den Sieg  
gibt. Ja nicht allein den sieg / sondern auch  
das Königreich oder Fürstenthumb. Dan.  
4. spricht Daniel zu NabucadNesar/ Bis  
du erkennest / das der Höchste gewalt hat  
vber der menschen Königreiche / vnd gibt  
sie wem er wil. Also sprach auch der junge  
König in Israel/ Jonathan Sauls son/1.  
Reg. 14. Es ist Gott nicht schwer/ durch  
viel oder wenig zu helffen. Welche wort  
auch Judas Maccabeus widerholet/  
Macca. 3. Gott kan eben so wol sieg geben/  
durch wenige als durch viele/ Den der sieg  
kompt vom Himmel / vnd wird nicht durch  
grosse menge erlanget.

Solchs haben auch die Heiden erfahren  
(wie noch teglich auch erfahren wird) vnd  
nicht gewust/wie es dochzugienge/weil sie  
von Gott nichts gewust / vnd habens ge-

**E** **ij** **nennet**

nennet Fortunam, vnd Variam fortunā belli.  
Glück thu mehr / denn stercke im Streit. Also  
so sehen wir / das jzt Gott bis daher / dem  
Türcken gros glück gegeben hat wider die  
Christen vnd ander mehr Völcker. So er  
doch wol so vnglenbig vnd böser ist / als  
der König zu Babel / der auch Gottes ei-  
gen sonderlich volck vmb jrer sünde willen  
bezwang. Vnd das der Türck / vnd zuuor  
die Saracenen vns Christen jmer sind ob-  
gelegen / vnd noch obligen / sol vns nicht  
wundern / Denn wir sind im Bapstthumb  
mit solchen greueln der Messen / vnd vns-  
saglichen abgöttereien erfüllet / dazu Chris-  
ten sein wollen / vñ Christus namen geführt  
haben mit allen schanden / das nicht wun-  
der were / es gienge vns wie Mose seinem  
volck auch drewet / Deut. 32. Wie gehets  
zu / das einer ( Feind ) tausent jaget / vnd  
zween zwey tausent flüchtig machen. Dar-  
umb ligts gar an dem / wem Got den Sieg  
gönnen vnd geben wil / Vnd nicht an dem /  
wer mechtig vnd starck ist. Es heisst vnd  
bleibt also / der sieg kompt vom Himmel / Vñ  
Got ist / der den Königen sieg gibt. Wider  
umb auch den Fürsten den mut nimpt / vnd  
schreckt

Schrecklich ist vnter den königen auff erden.

Also hat Got auch jzt vns den sieg gegeben/wider das Papstum vnd seinen Commissarium / nicht durch vnser stercke/ noch vmb vnser frömkheit willen. Den leider auff vnser seiten/ heimlich viel Papiste sind/ die vns von hertzen vngünstig/ vnd diesen sieg mit grosser vngedult vnd trawren gesehen haben vnd noch sehen. Auch viel sind / die Gottes wort schendlich verachten/ vñ vndanckbar gnug sich erzeigen. So ist der Geiz vnd wucher / solch ein dicker/fetter/herrlicher grosser Gott/das man auch höret/wie Hirten vnd geringer leute/ weñ sie eine summa gelds / fünffzig oder hundert gülden haben / flux damit in den handel lauffen/ vnd 15.20. floren gewin suchen vñ nemen / On was noch die klag ist vber die Handwercker/ vber die Werckleute/ vber Gesinde vnd nachbar/Bawr vnd bürger/ Da man nichts sibet denn eitel mutwillen auffss höhest gestigen/Schinden/scherzen/vbersetzen/stelen/teuschen/ triegen vnd liegen/ Das wol zu wundern ist/ wie vns die erde noch tregt. Ja sage ich / wir habens freilich nicht verdienet / das vns Got vmb

Vnser gerechtigkeit willen/ diesen sieg/ vnd  
bisher manche wolthat vn̄ schutz gegeben  
hat/wider den Teufel vnd seine Schupen.

Ein vorteil haben wir ders thut / nem-  
lich/ Gottes wort haben wir/ heilig / rein  
vnd lauter/ durch seinen heiligen geist/das  
in der Lere gewislich kein lüge/noch falsch  
noch abgötterey ist. Vnd wenn vnser leben  
vnd werck so heilig / rein vnd lauter were/  
nicht als das Wort(welchs ist vn̄müglich)  
sondern als wol vnd so fern es sein solte  
vnd köndte. So wolten vnd köndten wir  
dem Teufel wol die Helle / vnd dem Tür-  
cken vnd Papst die welt zu heis/zu kalt/ vn̄  
zu eng machen/ wie wir wolten. Doch wie  
Got spricht Esa. 55. Mein wort/ das aus  
meinem munde gehet/sol nicht ledig wider  
komen / sondern frucht bringen / daz u ichs  
gesand habe. Darumb müssen dennoch vnt-  
er vns sein etliche rechte/frome/heilige kin-  
der Gottes/ vnd rechte Christen/ wie we-  
nig derselben sind / sonst müste Gottes  
wort vergeblich vnter vns sein/welchs vn̄-  
müglich ist. Darumb mus auch das gewis  
sein/das der H. Geist bey vns sey/ der sein  
Wort rein leret vnd erhelt / vnd vns mit  
rechtem

rechtem Christlichen Glauben begabet/vñ  
mit andern mehr gaben zieret. Solcher  
Glaub kan nicht sein on fruchte vnd gute  
werck/wie Christus spricht Ioan. 15. Wer  
in mir bleibt/vnd ich in jm/der bringet viel  
fruchte. Sonderlich ist der Glaub nicht on  
das gebet oder Vater vnser/durch welchs  
er alles vermag. Wie der H. E. K. K. sagt/  
Johan. 14. So jr in mir bleibt/vnd meine  
wort in euch bleiben / so müget jr bitten/  
was jr wöllet / vnd sol euch widerfaren.  
Vnd Marci 11. Alle ding sind möglich dem  
der gleubet.

Solch vorteil hat vnd kan nicht haben  
der Papst vnd seine heilige vnchristliche  
Kirche. Den da ist nicht allein verachtung  
des Worts/ sondern auch verfolgung des  
selben/vnd aller die es bekennen vnd leren/  
wie sie vnter einander selbs wol wissen/  
auch etlicher viel bekennen. Den jre abgöt-  
terey vnd grewel sind offenbar/ das jre le-  
re aller dinge wider Gott/vnrein vnd vol-  
ler Teuffelischer lügen ist / Daher sie auch  
keinen rechten glauben können haben. Den  
wo die Lere vnrein vnd falsch ist / kan der  
Glaub nicht recht noch rein sein / Wo der  
Glaub

Glaub nicht recht noch rein sein / Wo der  
Glaub nicht recht ist / da können keine gute  
frücht oder gute werck sein / sie gleiffen wie  
sie wöllen / wie der HERR sagt Matt. 12.  
Setzet den Baum gut / vnd seine fruchte  
gut / Oder setz den Baum faul / vnd seine  
fruchte faul. Vnd 7. Ein guter baum bringet  
gute frucht / Ein böser baum bringt böse  
frucht. Es ist alles vmb die lere zu thun /  
Wo die recht ist / so ist alles recht / Glaub /  
werck / leben / leiden / gute vnd böse tage / es-  
sen / trincken / hungern / dürsten / schlaffen /  
wachen / gehen / stehen zc. Wo die lere nicht  
recht ist / da ist alles vmb sonst / alles verloren /  
vnd alles gantzlich verdampft / werck / leben /  
leiden / fasten / beten / almosen / kappen / platz-  
ten / Vñ was der Papstlichen Kirchen heil-  
igkeit mehr ist.

Darumb darff man sich für irem Gebet  
nicht fürchten / noch besorgen / So wenig  
als sich Elias fürcht für dem Gebet der  
Propheten Baal / 3. Reg. 20. Sondern wie  
er sie spottet sampt irem gebet vnd Got /  
So mügen wir der Papisten gebet / sampt  
irem Gotte auch spotten. Den wir wissen /  
das jr Gebet verflucht ist / wie jr Lere vnd  
Glaub



Glaub/nach dem 109. Psalm. Ir gebet mus  
zur sünden werden/Vnd wen sie leren / der  
mus verdampt sein. Vnd ist gewis jr gebet  
gleich wie der Teufel selbs auch jr spottete/  
da ein mal ein truncken Pfaff im bette seine  
Completen betet/ vnd im gebet speiet er/ vñ  
lies einen grossen Bombart streichen. G  
recht/sprach der Teufel/Wie das gebet ist/  
so ist auch der Weirauch. Eben so ist alle jr  
lören/in den Stifften vnd klöstern. Den sie  
können nicht beten/wollen auch nicht beten/  
wissen auch nicht was beten sey / oder wie  
man beten sol. Weil sie das Wort vñ Glaus  
ben nicht haben/On das der Papst zu Rom  
mit seinen Proceffion vnd Litanien(welchs  
im andere nachthun)den Königen vnd her  
ren gerne wolte eine nase drehen / vnd strö  
ern Bart flechten/ das sie gleuben sollen/ er  
sey seer andechtig vnd heilig. Wil aber nicht  
ein har weichen von seinen geweln vñ ab  
göttereien. Ach es ist sein gebet / des trun  
cken Pfaffen Completen/ vñ sein weirauch/  
Ja wens nur so gut were/ so were hoffnüg  
er möchte nüchtern werden/ vnd für solche  
stinkend Completen / eine bessere Metten  
beten. Davon jzt genug.

So sage ich nu den vnsern / das sie sich  
f nicht

nicht sollen rühmē vber diesen sieg/sondern  
Gott die ehre geben/ jm dancken vñ preisen.  
Der allein der rechte Kriger ist/vnd heisst/  
doch ein almechtiger Krieger/wie in Mose  
nennet/in seinem Lobgesang/Exo. 15. Dem  
auch der sieg nimermehr feilen kan. Nicht  
das man darumb solt die rüstung nachlas-  
sen / wo man sie haben kan / sondern das  
man darauff sich nicht lassen/sondern allein  
auff Gott vertrawen sol / der beide durch  
Rüstung/wo man sie haben kan / Auch on  
rüstung/wo man sie nicht habē kan/ den sieg  
geben wil. Denn wo man die rüstung haben  
kan/sol man der selbē/ als seiner gaben brau-  
chen / darunter er sich verbergen / vnd also  
wunderlich den sieg geben wil. Wo man a-  
ber die rüstung nicht haben kan/ da wird er  
sie zur not wol verschaffen reichlich den sei-  
nen/Wie er dem H. König Ezechie thet für  
Jerusalem / wider den Keiser zu Assyrien/  
Sanherib. Vnd doch Mose schreibt/Exo.  
14. Das die kinder Israel gerüst oder gehar-  
nisch aus Egypten zogen/ ob sie wol in E-  
gypten on ire rüstung errettet würden /  
durch des H. Erren gang oder Phase. Auch  
im roten Meer on ire rüstung für Pharao  
frey vnd sicher wurden.

Also spricht auch S. Paulus / 1. Corin. 3.  
Ich hab gepflanzt / Apollo hat begossen / A-  
ber Got hat das gedeien gegeben. Er künde  
te wol on pflanzen vnd begiessen das ge-  
deien geben / Vñ on dis gedeien / ist pflanzen  
vnd begiessen vmb sonst. Aber er wils nicht  
geben / man pflanze denn vnd begiesse. In  
der Wüsten vnd in der not macht Christus  
der H. Er aus 5. brot so viel / das 12. körbe  
voll brocken vberblieben / den 5000 Man-  
die da assen / vnd sat waren worden. Aber  
dem Baurn auff dem felde wil er solch ge-  
deien nicht gebē / ist auch nicht not / sondern  
er sol pflügen / egen / seen / das ist / brauchen  
des / so für handen / vnd Got dazu geordnet  
hat. So wil er den Segen vnd gedeien ge-  
ben / sonst heisst es Got versucht. Er künde  
auch wol den H. Geist geben / on das Wort  
vnd Prediger. Aber er wils nicht on das  
Wort thun / oder wird auch hie heissen /  
Gott versucht / wie die glaublosen Werck-  
heiligen thun. Also künde er wol jzt auch  
haben gethan / vnd die Papisten mit irem  
Commissarien / on rüstung zu schanden ma-  
chen / Aber er hat die rüstung lassen seine lar-  
uen sein / vnd darunter jnen den mut geno-  
men / vnd mit schrecken zu nicht gemacht.

Darumb spricht Psal. 44. Unser Väter  
haben das Land nicht eingenomen/durch jr  
schwert/ vnd jr arm halff jnen nicht/Son-  
dern deine Rechte vnd dein arm / vnd das  
Liecht/deines angesichts / denn du hattest  
wolgefallen an jnen zc. Wie thar er das sa-  
gen? Stehet nicht da die Schrift/ das Jo-  
sua mit dem volck Israel/gerüst vnd zu Fel-  
de geordnet zoch / mit faust vnd harnisch/  
die völder Canaan schlug vñ gewan? Wie  
halff jnen denn jr schwert vnd arm nicht?  
Ja das ist/s davon wir reden / Wo nicht  
Gott mit seinem andlitz/ Liecht vnd wolge-  
fallen bey jnen gewest were/wie er hie sagt/  
sie wurden mit irem schwert vnd arm zu  
allen schanden worden sein / wie jnen ge-  
schach / Josue 7. Da sie vermessen waren/  
verachten die stadt Hai/vñ sprachen/Was  
sol das ganze Volck wider so wenig leute  
sich bemühen / las zwey oder drey tausent  
Man hinziehen / vnd die stadt verderben.  
Aber die zu Hai fielen heraus/vnd schlugen  
sie in die flucht / das ein sehr gros schrecken  
vnd zagen in das ganze volck/ vnd vber Jo-  
sua selbs auch kam/vñ mit grosser mühe sich  
wider ermanneten. Eben so geschach den  
vermessenen Israeliten auch / Jud. 20. Da  
sie

sie zuuor lernē musten/ nicht auff jr schwert  
zu pochen/vnd zwey mal von einer stad Gibe  
bea Bürgern / den Ben Jamiten geschlagen  
wurd. n/vnd 40000 Man verloren.

Das wil der Prophet/da er forder im ge  
nanten Psal. 44. singet / Gott du bist mein  
König der du Jacob hülffe verheiffest/  
durch dich wöllen wir vnser Feinde umb  
stossen / vnd in deinem namen wöllen wir  
vntertretten/die sich wider vns setzen. Den  
ich verlasse mich nicht auff meinen Bogen/  
vnd mein schwert kan mir nicht helffen/son  
dern du hilffst vns von vnsern Feinden/ vñ  
machest zu schanden die vns hassen. Er  
spricht nicht / Ich hab keinen Bogen noch  
schwert. Ja ich hab wol (spricht er) Bogen  
vnd schwert / Denn es ist ja mein schwert  
vnd mein Bogen. Man sol vñ mus gerüstet  
sein/mit wehr vnd woffen / wo man sie has  
ben kan/auff das man Gott nicht versuche/  
sondern/ Ich verlasse mich nicht (spricht er)  
auff meinen bogen/oder auff meine rüstüg/  
Das Verlassen vnd vermessen / oder ver  
trawen auff eigen macht oder rüstung/ das  
verderbts gar / vnd ist rechte abgötterey.  
Denn vertrawen vnd vermessen/oder ver  
lassen/gehört allein Got zu/das der damit/

als ein rechter Gott erkennet vnd geehret  
wird/ Das der sieg seine gabe sey/ vnd nicht  
vnsere macht vnd klugheit.

Also schlenfft er daselbs/ Wir wollen teg-  
lich rhümen von Got/ vnd jmerdar deinem  
Namen dancken/ Sela. Das heisst/ Allein  
Gott sol man ehren/ rhümen vnd dancken/  
der alles thut vnd gibt/ sonderlich den sieg/  
Denn er wil der beide keines nicht leiden/  
Versuchen vnd vermessen/ Sondern wir  
sollen die mittelstrassen gehen/ weder zur  
lincken noch zur rechten seiten ausweichen/  
Wer nicht rüstung sucht/ wo er sie haben  
kan/ der brauchet des nicht das Gott gege-  
ben hat/ der weicht zur lincken seiten aus/  
vnd wil (wie man sagt) mit dem kopff ver-  
setzen/ vñ versucht Gott. Vnd werden auch  
getrost vnd billich vber den kopff geschla-  
gen. Wer auff seine rüstung/ klugheit oder  
stercke sich verlest vnd vermisset/ der wei-  
chet zur rechten seiten aus/ vnd verachtet  
Gott/ dem er allein vertrauen/ vnd sich sei-  
ner blossen güte vnd gnaden vermessen solt.  
Die mittelstrasse aber heisst/ Got hat wol  
gefallen an denen die in fürchten/ vnd seiner  
güte trawen/ Damit kriegt er die ehre vnd  
rhum/ die im gebüren. Psal. 147. Sonst ge-  
hets/ wo es der vermeffheit geret/ das des

rhüm̄es vnd prangens kein masse ist / da wil  
ein iglicher das beste gethan haben. Ja ein  
iglicher wolt gern allein die ehre haben / das  
Got mus vergessen sein vnd dahinden blei-  
ben / als hette er nichts gethan / oder nichts  
darzu thun köndre / so doch die Heidē durch  
viel erfariūg / vñ nicht on schaden gelernt ha-  
ben / den sieg / dem glück oder iren göttern /  
vnd nicht irer klugheit vnd stercke zueignen.

Hieher gehört nu der 76. Psal. Gotte zu  
loben vnd dancken / der vns dis mal zum an-  
fang / von der Papisten bösen sūrnemen gne-  
diglich errettet vñ geschützt / vñ sie mit irem  
trog vnd vermessenheit zu schandē gemacht  
hat. Vnd wo sie nicht auffhören werde (so  
fern auch wir in Gottes furcht vnd trawen  
bleiben) sol vnser Herr Gott hiemit die pos-  
sauen wider sie angestimmt haben. Verse-  
hen sie es / das er die possauen auffbleset vñ  
in die drummel stößet / so wirt Bapst / teufel  
samt irem anhang / vber einē hauffen ligen  
im abgrund der Hellen. Lasset vns alle Bus-  
thun / Got fürchten vnd trawen / so sind wir  
hie vnd dort selig. Demselben trewen gnedi-  
gen Got sey lob vnd danck / ehre vnd rhum /  
durch seinen lieben Son / mit Got dem

h. Geist / in ewigkeit / Amen.

E. K. vnd F. G. vntertheniger  
Martinus Luther.

